

# Matchbericht vom Samstag 07. November 2015

**Flying Sticks UBS**


vs

**EHC Railstars**

3

(1:9,1:3,1:3)

15



Torfolge	Torschütze	Assist
0 : 1	Pfändler	E.Kutil
0 : 2	Kreis	Freudiger
0 : 3	Wieser	Schumacher
0 : 4	Wieser	Pfändler
1 : 5	Kreis	Freudiger
1 : 6	Kreis	Pfändler
1 : 7	Pfändler	Hofer
1 : 8	E.Kutil	Kutil
1 : 9	Pfändler	Kreis
2 : 10	Wieser	Pfändler
2 : 11	Fehr	Kutil
2 : 12	Pfändler	Schumacher
2 : 13	Kutil	Hofe
2 : 14	Kutil	E.Kutil
2 : 15	E.Kutil	Kutil

## Matchbericht:

Ziemli früh am Morge simmer, begläitet vome wunderschöne Suneufgang Richtig Seewe gfare. Mit dä Niederlaag vo Ängelberg im Chopf, simmer mit 4(!) Gaschtspieller ufs Iis. Sofort hämmer dä Tritt gfunde, mit guetem Hockey dä Gägner i Bedrängnis bracht und scho bim erstä Iisatz s 0:1 chöne reüsierä. So isches dann au wiitergange. Schlag uf Schlag hämer eusi guet usegspilte Chancene chöne verwärte. Bis zur Iisräinigung isches bereits 1:9 gstande. Dann isch euse Motor echli is Stocke grate. Käne hät welä s 10te Goal mache.... Mer sind zwar immer wieder vorem gägnerrische Goal uuftraucht, händ aber nüme so schön gspilt und eus irgendwie schwär taa. Zum Glück hät sich dann den Karl es Härz gfasst und eus erlöst! Trotzdem simmer nüme so in Schwung cho wie im 1. Drittel. Händ au no 2 Goal übercho. s Pächvögeli vo däm Matsch isch aber dä Höfi gsi. Dä ganzi Matsch häter sich füre kämpft und hät sich gueti Schancene erspillt. Aber käni hät welä iegah.. Bis ganz am Schluss. Er schüsst und..... nääääiiii! Dä Schiiri git sie nööd. obwohl si dinä gsii wär! Sones Päch aber au. Dä Gägner hät dann aber s gliich Päch erfahre grad bim Schlusspfiff. Somit usgleichendi Gerächtigkeit. En schöne Matsch isch zu eusne Gunschte entschiedä worde. Herzliche Dank a ali Gaschtspieller, wo viel zu dem Sieg biitrait händ!!!

Käpten in Spe #22 Schuemi